



Pou Biblikasyon Imedya: 30/10/2023

GOUVÈNÈ KATHY HOCHUL

GOUVÈNÈ HOCHUL ANONSE PWOGGRAM REKIPERASYON CHALÈ 12 MILYON DOLA POU MODÈNIZE BILDING YO NAN ETA NEW YORK

Finansman an disponib pou pwojè dekabonizasyon ak renovasyon nan tout Eta a

Akselere pwogrè nan direksyon objektif Lwa sou Lidèchip Klimatik ak Pwoteksyon Kominotè a pou diminye emisyon gaz efè sè yo jiska 85 poustan jiska 2050

Gouvènè Kathy Hochul te anonse jodi a 12 milyon dola [Pwogram Rekiperasyon Chalè](#) pou modènize biling yo nan Eta New York, ki konsantre sou pwojè dekabonizasyon ak renovasyon ki reyitilize chalè pou ekonomize enèji epi redwi itilizasyon gaz fosil nan biling yo atravè Eta a. Pratik rekiperasyon chalè a, ki se rekipere chalè ki gaspiye epi reyitilize li dirèkteman oswa estoke li pou pita, sa reprezante yon apwòch pwometè pou dekabonizasyon biling, epi li ede akselere pwogrè nan direksyon objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) Eta a pou redwi emisyon a efè sè yo nan 85 poustan jiska 2050.

"Efò solid dekabonizasyon New York ap fè nan tout eta a ap fè vanse apwòch inovatè ak repwodiktif pou diminye emisyon nan biling yo ak konbat chanjman klimatik", **Gouvènè Hochul te deklare.** "Atravè nouvo inisyativ sa a ki sèvi ak rekiperasyon chalè, n ap ede ogmante adopsyon solisyon rekiperasyon chalè, fè operasyon biling yo pi abòdab, epi ankouraje yon anviwònman ki pi an sante pou plis Nouyòkè atravè eta a".

Finansman ki gen enskripsyon ouvri sa a, ke Otorite Rechèch ak Developman Enèji Eta New York (New York State Energy Research and Development Authority, NYSERDA) administre, disponib pou pwojè nan biling komèsyal, kolektif, enstitusyonèl ak endistriyèl ki egziste yo nan Eta New York. Pou pwojè yo bay prim yo, NYSERDA pral bay jiska 75 poustan pataj pri, avèk rekonpans maksimòm 40,000 dola pou pwodiksyon evalyasyon opòtinite rekiperasyon chalè, ak 80,000 dola pou developman plan konsepsyon ak konstriksyon pou pwojè rekiperasyon chalè yo. Pwojè rekiperasyon chalè yo pral genyen ladan yo kaptire ak transfere chalè ki rejte pou diminye enèji lòt sistèm yo itilize, tankou chalè ki rejte ak kaptire nan refwadisman ak dezimidifikasyon, evakyasyon lafimen oswa pwosesis dlo ize yo. Lojman pou plizyè fanmi ki gen revni ki ba a modere elijib pou jiska 100 poustan pataj pri, epi NYSERDA pral dedye 3 milyon

dola nan finansman total sèlman pou pwojè ki nan biling lojman pou plizyè fanmi ki gen revni ba a modere.

Doreen M. Harris, Prezidan ak Direktè Egzekitif Jeneral, NYSERDA te deklare, "NYSERDA kontan ajoute Pwogram Rekiperasyon Chalè a nan pòtfèy òf li ki disponib yo ki vize ogmante efikasite enèji ak fè avanse itilizasyon nouvo teknoloji dekabonizasyon yo. Biling yo, menm sa yo ki byen jere, gaspiye chalè atravè plizyè kalite pwosesis ki gen ladan vantilasyon, refwadisman ak dlo ize. Aplike rekiperasyon chalè nan operasyon biling diminye depans yo lè li reoran enèji ki te deja peye epi redwi emisyon jeneral gaz a efè sè yo, sa ki pèmèt kondisyon lavi ki pi an sekirite ak pi dirab".

Aplikasyon pou Pwogram Rekiperasyon Chalè a ouvri kounye a, epi finansman an pral disponib sou yon baz se sila yo ki vini an premye ke y ap premye sèvi. Pou plis enfòmasyon sou rekiperasyon chalè, ki gen ladan etid ka ki espesifik a pwojè a ak detay sou pwogram nan, tanpri ale [isit la](#).

Anons jodi a baze sou [Demann Kalifikasyon \(RFQ\) pou Solisyon Rekiperasyon Chalè NYSERDA](#), ki kalifye yon pakèt founisè solisyon rekiperasyon chalè yo pou pibliye enfòmasyon eksplwatab sou efikasite teknoloji rekiperasyon chalè ak plis konfyans kliyan yo nan dirabilite rekiperasyon chalè kòm yon estrateji renovasyon.

Biling yo se youn nan sous ki pi enpòtan nan emisyon gaz a efè sè nan Eta New York ak atravè pwogram NYSERDA ak sèvis publik yo, yo ap envesti plis pase 6.8 milya dola pou dekabonize biling yo toupatou nan eta a. Lè nou amelyore efikasite enèji nan biling yo ak fè avanse enstalasyon ekipman estokaj sou sit la, enèji renouvlab ak ekipman rechaj pou veykil elektrik yo sou plas, Eta a pral redwi polisyon kabòn li epi atenn sib anbisye li te etabli pou l redui konsomasyon enèji sou sit pa 185 BTU (Inite Tèmik Britanik) jiska 2025, ki ap ekivalan a alimante 1.8 milyon kay.

Jan Komisyon Sèvis Publik (Public Service Commission, PSC) Eta New York la otorize sa, finansman pou inisyativ sa a soti nan Fon Enèji Pwòp la. Gen plis enfòmasyon sou finansman sa a ki disponib sou [sitwèb](#) NYSERDA.

Plan Klimatik Nasional Eta New York

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envertisman enèji pwòp yo ale nan kominate defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 poustan pwodiksyon enèji renouvlab vè 2030, ak netralite kabòn nan tout ekonomi an vè mwatyé syèk la. Yon poto mitan nan tranzisyon sa a se envertisman san presedan New York pou devlope enèji pwòp yo, ki enkli plis pase 55 milya dola nan 145 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envertisman sa yo ak lòt sipòte plis pase

165,000 djòb nan sektè enèji pwòp New York la an 2021 ak yon kwasans plis pase 3,000 poustan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)